

Broj: 23-3332-~~66~~/26

Sarajevo, 27.07.2026. godine

Na osnovu člana 64. stav 1. tačka b), člana 70. stavovi 1., 3. i 6., člana 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22 i 50/24) i člana 27. Statuta Javne ustanove Opća bolnica „Prim. dr. Abdulah Nakaš“, u postupku javne nabavke roba – **Lijekovi za potrebe bolnice L-1/2026, JN-1/26**, direktor Javne ustanove Opća bolnica „Prim.dr.Abdulah Nakaš“, donio je

ODLUKU

o dodjeli Ugovora drugorangiranom ponuđaču

Član 1.

Okvirni sporazum za javnu nabavku roba - **Lijekovi za potrebe bolnice L-1/2026, LOT 45 – Urapidil inj. 25 mg/5ml**, dodjeljuje se ponuđaču **D.O.O. „FARMACIJA 2011“ Bihać**, ponuda dostavljena dana 05.06.2026.godine, sa konačnom cijenom ponude u iznosu od 11.500,00 KM bez uračunatog PDV-a, kao drugorangiranom ponuđaču.

Član 2.

Izabrani ponuđač D.O.O. „FARMACIJA 2011“ Bihać obavezuje se da dostavi original ili ovjerenu fotokopiju uvjerenja Suda BiH iz člana 45. Zakona o javnim nabavkama, s obzirom da istu nije dostavio u Ponudi.

Član 3.

Izabrani ponuđač obavezuje se dostaviti Obrazac za cijenu ponude sa umanjenim iznosom nakon održane e-aukcije, u roku od 10 (deset) dana od dana prijema ove Odluke.

Član 4.

Prijedlog Okvirnog sporazuma dostavit će se na potpis izabranom ponuđaču nakon isteka roka od 15 (petnaest) dana od dana kada su svi ponuđači obaviješteni o izboru najpovoljnije ponude.

Član 5.

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“ broj 39/14 i 59/22, 50/24).

Obrazloženje

Ugovorni organ je proveo postupak nabavke putem otvorenog postupka nabavke roba - **Lijekovi za potrebe bolnice L-1/2026, JN-1/26**, te donio Odluku o izboru najpovoljnijeg ponuđača, broj: 23-3332-33/26 od 15.07.2026. godine.

Prvorangiranom ponuđaču „LICENTIS“ d.o.o. Sarajevo za LOT 45 – Urapidil inj. 25 mg/5ml, dostavljena je Odluka o izboru najpovoljnijeg ponuđača dana 20.07.2026. godine.

Dana 24.07.2026. godine prvorangirani ponuđač „LICENTIS“ d.o.o. Sarajevo putem e-maila dostavio je pisano obavještenje, broj: 23-3332-61/26, kojim odustaje od sklapanja Okvirnog sporazuma za LOT 45 – Urapidil inj. 25 mg/5ml.

S obzirom da je prvorangirani ponuđač pisanim putem odbio dodjelu ugovora, Ugovorni organ u skladu sa članom 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22 i 50/24) dostavlja prijedlog Okvirnog sporazuma onom ponuđaču čija je ponuda po rang – listi (Izveštaj o toku i završetku E-aukcije), odmah nakon ponude najuspješnijeg ponuđača.

Iz navedenih razloga, a primjenom člana 72. stav 3. tačka c) Zakona o javnim nabavkama (Sl. Glasnik BiH broj: 39/14, 59/22 i 50/24) i člana 27. Statuta Javne ustanove Opća bolnica „Prim.dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

Pripremila:

Amra Mulaosmanović, BA prava
Službenik za javne nabavke

Kontrolisala:

Aldijana Ećo Ajkunić, BA prava
Šef Odsjeka za javne nabavke



DIREKTOR

Prof.dr. Ismet Gavrankapetanović

Dostaviti:

- FARMACIJA 2011 d.o.o. Bihać, info@farmacija2011.ba
- LICENTIS d.o.o. Sarajevo, halid@licentis.ba
- Odsjek za javne nabavke
- Bolnička apoteka
- Odjeljenje za ekonomsko finansijske poslove